



類說目錄卷之二十一

漢武帝故事

此人必能作賦

星搖

河間王笑上無端

淮南王安

栢谷求漿

方朔偷桃

相如作賦

神宮

西王母降

方朔歲星

鉤弋夫人

罷遣方士

茂陵宮人

茂陵明器

賜金

開元天寶遺事

步輦召學士

截鐙留鞭

七寶座

煖寒會

自暖杯

辟寒犀

記惡碑

賜筋表直

慚顏如鐵甲

蜂蝶慕香

記事珠

遊仙枕

傳書鴿

牽絲得女

喚鐵

瑞炭

花木之妖

夢玉燕入懷

燭奴

金衣公子

醉輿

風流藪澤

花裊

綠衣使者

敲水煮茗

寧王燭炬

念奴

盆池養魚

銷恨花

妓圍

冰山

移春檻

麵壘

刀鎗鳴

琢水為山

王氏富窟

筆頭生花

泥金喜信

半仙戲

筆架占雨

向火乞兒

水筋

占風鐸

報時猿

張公口案

銷魂橋

准勅斷酒

文陣雄師

沃粧

索闖鷄

肉陣

解語花

油幕

鳳炭

百寶欄

吸花露

含玉嚙津

擊鑑救月

障後歌

夜明枕

有脚陽春

梨花之論

醉聖

探春

醉漢腦語

暖玉鞍

雪刺滿願

風流陣

宮嬪呵筆

知更雀

應制詩

錦鴈

快雲兒

九孔針

肉腰刀

義竹

百枝燈

鬼神破膽

饒燈

護花金鈴

裙幄

射圍

明皇十七事

李嶠真才子

四十年不知酒味

玉環琵琶

金甌命相

以餅飾刃

興慶小龍

阿瞞

剪綵

顏真卿地仙

顏郎衫色如此

客士無氣

張果老

求雨

大中遺事

柳玘續事附

桐竹葉按錢

氣攻髮

對脉

老博士

播皇猷

芳醪

大唐遺事

管子文

軟脚局

釣巨鰲客

七入書府

南唐近事

割江賦

出妓解帶較勝一擲

時來天地皆同力

害肉先生

打草驚蛇

聲鼓吃飯腦後接筆

垂幃痛飲

妻妬悍

夢通舌生毛

曆日包一橘

託病日不覽詩

金陵童謠

鍾山翁

和地皮掠來

焦湖百里一任作獺

雨懼抽稅不入城

夢羊升殿

陳橘皮榜

好物不在多

夢人斷頭

丹灶神物

類說目錄卷之二十一

類說卷之二十一

宋溫陵曾慥編

明新野馬之騏叅閱

山陽岳鍾秀訂正

漢武帝故事

此人必能作賊

景帝時丞相周亞夫宴見帝為太子侍側曰
此人可畏必能作賊

星搖

元光元年星動光耀竟天數夜乃止董仲舒

類言 卷之二十一
曰是謂星搖民人窮也是時謀伐匈奴天下
殆不安上謂妄言欲誅之仲舒懼乞補劇吏
以自効乃用爲軍候

河間王笑上無端

河間王來朝與言鬼神王笑上無端又非上
征伐常陋上所爲上遣鑿持藥酖之王賢明
天下悲之上秘其事厚葬之

淮南王安

淮南王安集天下遺書招延方士上徵使覘

王能致仙人與共遊變化亡常或爲童子或
爲老子又能隱形飛行服氣不食上欲受其
道王不官傳云無其事上怒將誅淮南知之
出與群臣去不知所之 眼假

栢谷求漿

上微行夜至栢谷就逆旅主人求漿主人翁
曰無漿有溺耳且疑上爲姦盜聚少年欲攻
之主人嫗暗上狀貌異之曰客非常人也翁
不聽嫗飲翁以酒醉而縛之少年皆散走嫗

乃殺雞爲食以謝客明日上歸召嫗賜金千
斤拜其夫羽林郎

方朔偷桃

會稽郡送一短人長七寸衣冠具見上帝令
於案上行東方朔曰巨靈如何忽叛來阿母
還未短人不對謂上曰王母種桃三千年一
結子此小兒三過偷之矣被謫在此

相如作賦

上作賦下筆卽成司馬相如滿時方成上曰

以吾之速易爾之遲可乎相如曰於臣則可
未知陛下如何耳

神宮

上拜方士樂大爲五利將軍起九間神宮欲
以下神黃金塗柱椽首作龍形白石脂和清
椒汁以爲壁白琉璃爲扉屏珍珠爲簾璆瑁
押之以象牙爲薨雜珎寶爲甲帳次爲乙帳
甲以居神乙自居之

西王母降

七月七日承華殿齋有青鳥從西來東方朔曰西王母降以化陛下乃施帷帳燒具未香香乃兜國所獻塗宮門香聞百里有頃王母至乘紫雲車玉女馭母戴七勝青氣如雲上拜請不死之藥母曰帝滯情不盡欲心尚多不死之藥未可致也東方朔於朱雀牖中竊視母曰此兒好作罪過久被斥逐然原心無惡尋當得還母出桃七枚自啖二枚以五枚與帝帝留核欲種母曰此桃三千年一結

子非下土所種之物也

方朔歲星

上又至海上考竟諸道士尤妖妄百餘人西王母遣使曰欲見神人而先殺戮吾與帝絕矣使至之日東方朔死上疑問使者對曰朔是木帝精爲歲星下遊人中以觀天下非陛下臣也

鈎弋夫人

謂上曰妾今年當死於此有頃卒焉乃爲

起通靈臺於甘泉常有青鳥往來臺上
帝崩乃絕

罷遣方士

上曰朕卽位以來天下愁苦所爲狂悖不可
追悔田千秋曰三山靈而難徵昇湖遠而無
驗臣請罷諸方士遣之上曰大鴻臚奏是也
上每見群臣自嘆愚惑天下豈有仙人盡妖
妄耳節食服藥差可少病二三年慘慘不樂
謂霍光曰朕去公死矣鈎弋子公善輔之光

泣曰陛下尚康豫豈有此上曰吾病甚公不
知耳
經一周而死

茂陵宮人

上晝卧顏色不異而身冷無氣明日漸變色
閉目未央前殿朝晡上祭若有食之者常所
御幸悉出茂陵園自媿好以下二百餘人上
幸之如平生旁人不見也霍光乃更出宮人
增爲五百人遂絕

茂陵明器

始元二年吏告民盜用乘輿御物者其題乃
茂陵中明器也又一人於市貨玉杯形貌類帝
縣送其器推問又茂陵中物也上又見形於
陵旁曰吾雖失勢尤君奈何令吏卒上吾冢
上磨刀劍乎因推問陵旁有方石可以礪吏
卒常盜磨刀劍時甘泉常自然有鐘鼓聲又
見從官鹵簿如天子宣帝世乃絕
尺札賜金

宣帝爲武帝廟樂奏之日空中有唱善者又

河東立廟告祠日虎啣肉置殿前又一人騎
馬持一尺札賜將作丞曰汝續克成賜金一
斤或不見札變爲金宣帝親賜甘泉有紫氣
黃雲從西北來空中樂聲帝乃疑先帝有神
復招諸方士冀得仙

開元天寶遺事

王仁裕

步輦召學士

中元日苦雨不止令侍御者擡步輦召學士
姚崇論時務中外榮之

賜筋表直

宋璟爲宰相朝野歸心帝賜金筋曰賜卿之筋表卿之直也璟遂下殿拜謝

截鐙留鞭

姚元崇牧荊州受代日闔境民吏泣擁馬首截鐙留鞭以表瞻戀

慚顏如鐵甲

進士楊光遠干索權豪無厭或遭撻辱略無改悔時人云楊光遠慚顏厚如十重鐵甲

七寶座

帝於勤政樓以七寶裝成山座高七尺召諸學士講論古今勝者得升惟張九齡論辯風生首升此座人不可階也

蜂蝶慕香

都下名妓楚蓮香國色無雙每出則蜂蝶相隨慕其香也

暖寒會

巨豪王元寶每大雪則自所居至坊巷口掃

雪開道迎揖賓客飲宴謂之暖寒會
記事珠

張說有寶珠紺色有光名記事珠每有闕忘
之事時玩之渙然開悟

自煖杯

內庫有青酒杯紋如亂絲其薄如紙以酒注
之溫溫然有氣相次如沸湯名自煖杯

游仙枕

龜茲國進一枕色如馬腦枕之則十洲三島

四海五湖盡在夢中帝名為游仙枕

辟寒犀

交趾國進犀一株以金盤置於殿中暖氣襲
人使者曰此辟寒犀也

傳書鴿

張九齡家養群鴿每與親知書繫鴿足上飛
往投之目為飛奴

記惡碑

盧真累任大卿凡治姦惡既斷罪又以所犯

刻石立其門再犯必置之死時謂記惡碑
牽絲得女

郭元振少美丰姿宰相張嘉真欲納爲婿曰
吾五女各有姿色令一人持絲幔前使子取
便牽之得者爲配元振牽一紅絲線得第三
女

喚鐵

太白山隱士郭休有運氣絕粒之術以槌擊
一鐵片子鳥獸聞之卽集庭下名曰喚鐵

綠衣使者

長安豪民楊崇義妻劉氏與隣舍兒李弁私
通同謀害崇義埋枯井中僕妾輩無所覺惟
有鸚鵡在架上劉氏經府陳詞言其夫不歸
慮爲人所害日夜捕賊拷捶數百人莫究其
弊縣官再詣檢校架上鸚鵡忽然聲曰屈殺
家主者劉氏李弁也遂執得實明皇封鸚鵡
爲綠衣使者

瑞炭

西涼國進炭百條名曰瑞炭燒之無焰有光
每條可燒十日熱不可近

敲冰煮茗

逸人王休居太白山下至冬取溪水敲其精
瑩者煮茗共客飲之

花木之妖

沉香亭前木芍藥花一枝兩頭朝則深紅午
則深碧暮則深黃夜則粉白晝夜之內香艷
各異帝曰此花木之妖不詳也

寧王燭炬

寧王有燭百炬每賓妓間坐酒酣作狂其燭
則昏如物所掩罷則復明

夢玉燕入懷

張說母夢一玉燕飛入懷中有孕生說

念奴

念奴者有姿色善歌唱每執板當席聲出朝
霞之上

燭奴

類記 卷之二十三 十
申王以龍桓木雕成獨鬘童子綠袍束帶使
執畫燭列目爲燭奴

盆池養魚

明皇以李林甫爲相一日曲宴近臣上曰盆
池新養魚數頭鮮活可愛林甫曰賴陛下恩
波所養張九齡曰盆池之魚猶陛下之任人
也但能裝景助兒女之戲耳帝不悅

金衣公子

明皇於禁苑中見黃鸚呼爲金衣公子

銷恨花

千葉桃花開明皇曰不獨萱草忘憂此花亦
能消恨

醉輿

申王每醉使宮妓將錦綵結一氍子檯歸寢
室呼曰醉輿

妓圍

申王每苦寒之際使宮妓密圍於坐側以禦
寒氣呼爲妓圍

風流藪澤

長安平康坊為風流藪澤

水山

進士張彖力學有大名楊國忠用事士爭詣門彖獨不往曰爾輩謂楊公之勢可倚如太山耶以吾所見乃水山也皎日一照則當悞人後登第為華陰簿歎曰丈夫有凌雲蓋世之志拘於下位若立身於矮屋中使人擡頭不得遂拂衣長往

花裯

學士許慎與親友宴花園中聚花鋪坐曰吾則有花裯何消坐具

移春檻

楊國忠子弟以花植檻中板底木輪所至之處牽檻在前目為移春檻

麵蟹

都下上元日造麵蟹以官位帽子置其中以高下相勝為戲笑

刀鎗鳴

武庫刀鎗自鳴果有祿山之亂

琢冰為山

楊氏子弟暑月以大冰琢山週圍宴席

王氏富窟

王元寶以金銀疊為屋又以銅線穿錢翫花

徑中貴泥雨不滑時號富窟

筆頭生花

李太白少夢筆頭生花後天才贍逸名聞天

下

泥金喜信

新進士及第以泥金書帖子報其家謂之喜

信至文宗時遂寢此儀

半仙戲

宮人寒食競蹴鞦韆為樂帝呼為半仙之戲

筆架占雨

蕙傾有花石筆架天欲雨則石架津出以此

沾雨候無差

類言 卷之二十一
向火乞兒

張九齡見朝臣趨附楊國忠曰皆向火乞兒一日火盡灰冷暖氣何在當凍屍裂體棄骨溝壑中不遠矣果因祿山之亂亂族滅甚衆向火言附炎也

冰筋

雪霽簷溜皆爲冰條妃子敲下一條看玩曰此冰筋也

占風鐸

岐王行宮中懸碎玉片子夜聞相觸之聲則知有風號占風鐸

報時猿

商山隱士高太素每一時有一猿詣亭前鞠躬而啼目爲報時猿

張公口案

張九齡每勘公事取囚於前面分曲直口撰案卷咸伏其罪時號張公口案

銷冤橋

長安東灞陵有橋來迎去送皆過此橋人呼
爲消冤橋

准勅斷酒

安祿山受帝眷寵帝恐外人以酒毒之賜金
牌子繫背上每王公召宴欲以巨觥祿山卽
以牌示之云准勅斷酒

文陣雄師

張九齡覽蘇頲文卷曰真文陣雄師也

淚粧

宮中妃嬪施素粉於面類號淚粧識者以爲

不祥

索鬪雞

李林甫不得士心咸謂其精神剛戾常如索
鬪雞

肉陣

楊國忠冬月選婢妾肥大者行列於前令遮
風謂之肉陣

解語花

太液池有千葉白蓮盛開帝指貴妃曰爭如我解語花

油幕

長安貴家春時遊宴載以油幕遇陰雨以幕覆之

鳳炭

楊國忠以炭屑塑成雙鳳

百寶欄

上賜國忠木芍藥國忠以百寶為欄

吸花露

貴妃每宿酒初消多苦肺熱陵晨傍花枝口吸花露潤肺

含玉魚津

貴妃素有肉體苦熱肺渴每日含一玉魚藉其涼津沃肺

擊鑑救月

長安城中每月食士女取鑑向空擊之云救月蝕

障後歌

寧王有妓樂寵姬美色善歌客莫得見李太白曰王何吝此女不示於衆乃設七寶花障召寵姬歌於障後白日雖不許見面聞其聲亦幸矣

夜明枕

號國夫人有夜明枕光照一室不假燈燭

有脚陽春

宋璟愛民恤物時人謂為有脚陽春言所至

之處如陽春及物也

梨花之論

李白與人談論皆成句讀如春葩麗藻粲於齒牙時號李白梨花之論

醉聖

李白嗜酒然沈酣中所撰文章未嘗錯誤號醉聖

探春

都人士女正月半後乘車跨馬郊野中為探

春之宴

醉漢恟語

李林甫每與同僚議公事則如醉人未嘗問答語及阿狗之私則響應如流張九齡曰林甫議事如醉漢恟語

暖玉鞍

岐王有鞍冬月用之坐下如有溫火之氣

雪刺滿頤

宋璟求致仕表云臣霜花生頤雪刺滿頤求

退歸耕養慵巖冗

風流陣

明皇與妃子每酒酣使妃統宮妓百餘人帝統小中貴百餘人排兩陣目爲風流陣攻擊相觸敗者罰巨觥時以爲不祥之兆

宮嬪呵筆

李白於便殿撰詔詰時大寒筆凍帝勅宮人十人各執牙筆呵之白取而書

知更雀

裴耀卿養一雀逐更必鳴號知更雀

應制詩

長安春時盛於遊宴蕪題應制詩曰飛埃結紅霧遊蓋飄青雲

錦雁

溫泉御湯中有玉蓮湯從蓮中涌出海谷以錦繡為鳧雁浮之

快雲兒

申王有高麗赤鷹岐王有北山黃鶻每出田

獵臂在駕前賜名快雲兒

九孔針

七夕宮人向月以九孔針穿五色線

肉腰刀

李林甫妬賢嫉能潛行譖毀人謂之肉腰刀

義竹

帝遊後苑有竹叢密筍不出外帝顧諸王曰父子兄弟相親當如此竹因謂義竹

百枝燈

卷之二十一
韓國夫人造一百枝燈高八十尺光照數十里

鬼神破膽

李杲爲洛陽令公正吏民畏之有劉兼者宿村邸夜聞戶外曰古今正人李令見其行事令人破膽我輩可知它縣血食兼開戶視之無人乃鬼神也

饒燈

南方有魚多脂煉以爲油點燈紡績則暗照

宴樂則明謂之饒燈

護花金鈴

寧王花時綴金鈴於花下掣之以驚禽謂之護花金鈴

裙幄

長安士女遊春野步遇名花則藉草而坐解裙四圍如幕號裙幄

射團

宮人端午造粉團角黍貯金盤中以小角弓

射中粉團者得食

明皇十七事

李德裕

李嶠真才子

上將遷幸登華萼樓有少年歌李嶠詞日出
川滿目淚沾衣富貴榮華能幾時不見只今
汾水上惟有年年秋雁飛潸然口真才子也
不待曲終而去
四十年不得酒味

上入斜谷常偶得新酒馬前獻之不飲偶懼

自飲之上曰朕始卽位嘗飲酒損一人因自
戒四十年不知酒味

玉環琵琶

睿宗所御上欲西幸蜀命賀懷智奏之
以餅餽刀

肅宗爲太子上使割羊臠以餅餽刀徐噉之
上喜曰福祿當如是愛惜

金甌命相

上命相先以八分書姓名金甌覆之

類言 卷之二十一
興慶小龍

常出遊西掖宮垣後上欲西幸一夕乘雲西南去後至嘉陵江欲御船有龍夾舟上泫然曰此吾池中龍也以酒醑之

阿瞞

李輔國矯遷上皇於西內中路見兵攢耀日上皇驚顧高方士在左右到內稱平安上皇泣曰微將軍阿瞞已爲兵死鬼矣

剪綵

顏真卿小鬟青衣名剪綵

顏真卿地仙

顏真卿嘗得神丹服之後爲李希烈所殺希烈平後欲改葬發其棺瞑目如生隱士曹庸山曰後三十年必飛騰而去被羽衣行山澤間卽所謂地仙也

顏郎衫色如此

顏真卿問范氏尼曰吾得五品否尼指坐土紫絲布云顏郎衫色如此

類記 卷之二十一
客土無氣

泓師與張說相宅戒勿動西北土以損旺氣
後見氣索果掘三坑說欲填之泓曰客土無
氣與地脉不相連

張果老

邢和璞能算人壽天使算張果老莫知其甲
子師夜光能眎鬼命令眎果終莫能見

求雨

明皇令無畏求雨云旱數當然召龍適足致

暴雨耳乃盡去求雨之具以一鉢水小刀攪
之湏臾有龍如指大入鉢中復攪呪之白氣
自鉢中出少頃大風雨

大中遺事

柳玘續事附

桐竹葉授錢

軒轅先生居羅浮山宣宗召入禁中能以桐
竹葉滿手授成錢

氣攻髮

先生又能散髮箕踞用氣攻其髮一條如直

對脉

宮中以診脉爲對脉

老博士

裴暉進詩有太康日宣宗曰太康失邦何以
比我宰執奏晉年號改元太康上曰天子須
博覽不然幾錯罪暉由是耽未經史觀書不
休宮中目爲老博士

播皇猷

一上明於音律嘗製曲曰播皇猷皆方履高冠

連袂而舞有曰葱西踏歌隊者大率其詞言
葱嶺之士樂河湟故曰歸爲唐民又有執幡
節如翔雲飛鶴之變

芳醪

上爲諸王時嘗從獵墜馬困渴求水欲飲已
變爲芳醪

大唐遺事

管子文

有書生謁李林甫云管子文後化爲筆

軟脚局

郭子儀自同州歸詔大臣就宅作軟脚局人
率三百千

釣巨鰲客

張祐謁李紳自稱釣巨鰲客李盛曰以何爲
竿曰以虹爲竿以何爲釣曰以月爲釣以何
爲餌曰以短李相爲餌紳默然厚贈之

七入書府

徐堅多識典故七入書府

南唐近事

鄭文寶

割江賦

保大末處士史虛白爲割江賦以諷曰舟車
有限沿河島以俱閑魚鰲無知尚交遊而不
止又賦隱士詩曰風雨揭却屋渾家醉不
知

出妓解帶較勝一擲

嚴續相公歌姬唐鎬給事通犀帶皆一代尤
物唐有慕姬之色嚴有欲帶之心因有呼盧

類言 卷之二十一
之會出妓解帶較勝於一擲舉坐屏氣六路
數巡唐彩大勝唐乃酌酒命美人歌一曲以
別相公悵然遺之

時來天地皆同力

劉彥真壽陽旣敗我師屢北元宗臨軒問朱
匡業守禦之方匡業對曰時來天地皆同力
運去英雄不自由以忤旨流撫州

害肉先生

廬山有道士體貌魁偉飲唱酒肉忽有雙鶴

因風飄憇道館若自天下皆斃陳沈爲詩曰
害肉先生欲上升黃雲踏綻紫雲崩龍腰鶴
背無多力傳與麻姑借大鵬

打草蛇驚

王魯爲當塗宰瀆物爲務會部民連狀訴王
簿貪賄魯乃判曰汝雖打草吾已蛇驚
聲鼓吃飯腦後接筆

鄧亞丈拜青陽令自謂尊顯語兒輩當思爲
學自致煙宵吾爲百里之長聲鼓吃飯腦後

接筆此吾稽古之力也

垂幃痛飲

常夢錫爲翰林剛直不附貴近或曰公罷直私門何以爲樂常曰垂幃痛飲而已

妻妬悍

杜業任福密山妻張氏妬悍室無婢妾烈祖命元皇后召張至內中戒曰業位望通顯得置妾媵何忌如此豈婦道所宜耶張曰業本狂生遭遇始運陛下所藉者駑力未竭耳

早衰多病縱之必誤任使烈祖大加獎歎

夢通舌生毛

馮延巳鎮臨川聞已除代夜夢通舌生毛有僧解曰毛生舌間不可剃也相公其未替乎已而果然

曆日包一橘

鍾傳鎮江西客有以覆射求謁傳以曆日包一橘致袖中客口占曰太歲當頭立諸神莫敢當其中有一物常帶洞庭香

託病目不覽詩

魏明好作詩詞多而不格嘗携近詩詣韓熙載韓託以病目請置几案徐覽明日侍郎目昏請自爲吟之韓曰耳聾加劇切忌不聞

金陵童謠

金陵圍逼之際人多患脚弱而卒童謠云索得孃來破却家後園桃李不生花猪兒狗兒總死盡養得猫兒遇赤痕一僧解之曰孃謂再娶周后不生花謂之枯瘁猪狗死盡戌亥

年脚弱而亡者赤痕猫目疾不能捕鼠謂不見丙子年也

鍾山翁

元宗嗣位李建勳出師臨川將行謂所親曰主上性習未定若如日者恐不能守業及馮延曾討閩中督糧甚急建勳寄詩曰粟多未必爲全計師老須防有伏兵旣而果爲越人所敗及歸拜司空累乞致政自稱鍾山公詔授司徒不起學士湯說致書賀之勳答曰司

空猶不作那敢作司徒幸有出翁號如何不見呼先是宋齊丘歸還號九華先生未幾而起時論薄之或以建勳比宋者因爲詩曰桃花流水須相信不學劉郎去不來

和地皮掠來

魏王知訓帥宜州人覲侍宴伶人戲作緣布人大面若鬼狀或問何爲者答言宣州土地神王入覲和地皮掠來因至於此知訓苛政歛下故也

焦湖百里一任作獺

張崇帥蘆不法嘗入覲盧人曰渠伊必不復來矣崇歸計口徵渠伊錢明年再入覲盛傳其罷不敢明言相見皆捋鬚爲慶崇歸又徵捋鬚錢有伶人假爲人死有譴當作水族者陰府判曰焦湖百里一任作獺

雨懼抽稅不入城

金陵建國之初軍儲未實關市之利苛悉農桑商賈時亢旱日久上曰近京皆報雨足獨

京城不雨何也申漸高對曰雨懼抽稅不敢入城上卽下詔停額外稅俄雨沾足故知優旃 漆城那律瓦衣不爲虛矣

夢羊升殿

後主卽位夢羊升武德殿御牀意甚惡之及城陷補闕楊克讓首知府事

陳橘皮榜

給事中喬舜知舉進士及第者五人皆以舉數升降等甲無名子謂喬之榜類陳橘皮半

白多居上

好物不在多

元宗曲宴命從臣賦詩學士朱鞏唯進一聯不能終篇乃曰好物不在多左右掩口而笑自是士庶餉遺不豐好者皆以朱爲口實

夢人斷頸

烈祖輔吳將謀禪代夜夢爲人引劍斷頸意甚惡之周宗遽下堦拜當策立耳居數日而內禪

丹竈神物

張義方命道士合還丹數年未就遇疾將卒不成九轉之功一日命子弟發丹竈竈下有巨虺火吻錦鱗蜿蜒其間若為神工護持乃取丹餌一粒瘖瘂而卒識者以為陰氣未盡不可服也

類說卷之二十一終

類說目錄卷之二十二

荆湖近事

酒囊飯袋

散幅裙

老婦嫁詩

存孤恤寡

舜作蟒蛇

大市裡賣平天冠

僧是詩家奴

謁戍將致詞

詠柳

鷺鷥詩

安知獲麟之筆為騎馬之用

鄧公池亭

傳語縣君謝到

白傳琵琶行

五臟穀

一縫裘

金坡遺事

玉堂之署

大雪賜詩

御樓侍立

黃盤鵬

江南圖畫

太宗押勅

破鑱檢舊草

一灰堆

御筆戒酒

門扉竊出

靈鵲

弟拜相兄草麻

狡兔三穴首鼠兩端

不可令周翰知

留請假榜子

東齋記事

朕有三條帶

賞花釣魚

賦山水石

夢召對

議藥不合

賦落韻

富人納貴絹

乖崖表德

千林如有喜

二鵲擲卵

以制誥為贊卷

微風

狀元給騶從

明窓下草制

劉輝作狀元

百日宰相

劉君謨蛇精

司天奏侍臣

黃筌畫

寫生趙昌

十眉圖

鮑魚綠木

庭松詩

雙廟

立朝以曾魯公為法

好把長鞭便一揮 一聲河漏子

費錢嘴

文如錦綉屏風

官家隣人

作漢春秋硯

宣獻未嘗素談

不足則誇

薛出油

水晶燈籠

照天燦燭

放生

禁食蟻蝦

預買紬絹

體備中和之氣

疥有五德

鐵碓

荔枝

保心如止水

灰牛白馬

勸酒當以量

契丹風俗

改罪已辭

趙均平

孝猿傳

蜀茶

物理相感

漢似胡兒胡似漢

鐵林騎

類說目錄卷之二十二

類說卷之二十二

宋溫陵曾慥編

明新野馬之騏叅閱

山陽岳鍾秀訂正

荆湖近事

陶岳撰

酒囊飯袋

馬氏奢僭諸院王子僕從烜赫文武之道未嘗留意時謂之酒囊飯袋

散幅裙

周行逢為武安節度婦人所著裙皆不縫謂

類言 卷之二十一
之散幅或曰裙之於身以幅多爲上周匝於
身今使開散是不周也不周不縫是姓是名
俱去矣夫幅者福也福破散其能久乎未幾
而行逢卒

老婦嫁詩

曹衍撰馬氏野史投進年已衰耄獻老婦嫁
詩云滿頭白髮爲新婦笑殺年少豪家兒又
詠鷺鷥云終日灘頭延頸望能消大海幾魚
多

存孤恤寡

周行逢命何景山爲益陽令強取人家婦人
景山曰卑吏無它蓋存恤孤寡行逢曰何不
寬其賦稅免其徭役乃置之於家於理安乎
戲謂僚吏曰不如令佐海龍王去遂投於江
中

舜作蟒蛇

呂夔遊舜洞見一古碑謂舜曾於此洞作蟒
蛇身受諸苦惱不知其幾世至隋仁壽中遇

類詩 卷之二十一
一尼摩頂受記遂得託生夏曰悠悠蒼天被
何人斯妄爲玷瀆如此之甚聖莫大於堯舜
暴莫大於桀紂安得桀紂至暴寂然無聞至
聖反爲蟒蛇又尼者一髡跣婦人有何功行
摩頂受記使之託生耶由是著解分篇千餘
言

大市裏賣平天冠

廖融詩云遠山秋帶雨水館夜多風潘若冲
陽朔縣詩云門連百越水地管數千峯郭影

雲連樹林聲月帶春二人更唱迭和詩家之
勁敵太宗懲五代場屋之弊以詞賦策論取
士融冲之徒稍稍引去融曰豈知今日之詩
道一似大市裏賣平天冠並無人問耶又素
性重僧前後贈詩甚多或問其故融曰僧是
詩家奴一人贈一篇且圖帶往東西南北去
耳

僧是詩家奴

並見上

謁成將致詞

類說

卷之二十一

五

林楚材窮窘益陽戍將李著謂林曰大凡秀才必能道言語何不向我身上道一兩句楚材觀其額上耳後皆雕火珠雲雁卽致詞曰伏以太保氣貌雲橫身材筆直兩行秋鴈於耳畔以斜飛一顆明珠當額頭而突起著大喜厚贈之

詠柳

狄煥詠柳云翠色折不盡離情生更多登凝碧亭詩數點分秋霽不知何處來

鷺鷥詩

張仲達咏鷺鷥詩云滄海獨深處鱸魚啣得時張文保曰佳則甚佳爭奈鷺鷥嘴大長也女知獲麟之筆爲騎馬之用

孫光憲爲荆南幕府常慕史氏之作每曰安知獲麟之筆盡爲騎馬之用因吟劉禹錫詩云一生不得文章力百口空爲飽暖家

鄧公池亭

孫逢吉遊鄧公池亭問創置之由云馬氏諸

公子舊園逢吉留詩曰馬家公子闔亭臺斷
山根碧沼開啼鳥不知人事變數聲尤傍
水邊來

傳語縣君謝到

李戴仁性迂緩非禮勿動娶閻氏年少與之
異室私約曰有興則見忽一夕聞扣戶聲小
豎報云縣君欲見大監戴仁遽取百忌曆燈
下看之大驚曰今夜河魁在房不宜行事傳
與縣君謝到閻氏慚怒而去

白傳琵琶行

李守愚聞人誦白傳琵琶行笑曰此婦本
長安娼女嫁茶商在外而居易輒於夜中移船
就之聽其琵琶以佐歡得非姦狀顯然耶

五臟穀

李守愚取黑豆緊小而圓者侵晨以井花水
吞二七粒謂之五臟穀到老視听不衰

一縫毬

徐博世爲皮匠能爲一縫毬晚爲道士能導

引握拳置口中或反手抱柱身隨起而足直
上太祖召見曰臣能走乃脫履於殿庭走二
十匝而出入之息如故

金坡遺事

錢惟演

玉堂之署

太宗謂宰臣曰蘓易簡告朕乞御飛白書玉
堂之署四字今付宰臣李助以下來於中書
堂面宣賜

大雪賜詩

太平興國七年季冬大雪上賜學士詩曰輕
輕相亞凝如酥宮樹花裝萬萬株今賜酒鄉
詩一盞玉堂閑話道情無

御樓侍立

唐制玉樓賜赦學士得升丹陽樓侍立五代
以後因循廢之蘓易簡奏自今上御樓覃恩
與樞密使侍立御榻之側

黃盤雕

舊規云十月初別賜錦長襖子國初以來賜

翠毛錦太宗改賜黃盤雕

江南圖畫

太祖平江南所得圖畫賜學士院五十餘軸
景德中只有雨村牧牛圖無名寒蘆鴨徐熙
筆五王飲酪圖周文舉筆

太宗押勅

陶穀竇儀在翰林乾德二年范質等俱罷相
命起韓王登庸制下無宰相署勅穀云自古
輔臣無虛位者惟唐文宗甘露事後數日繼

班當時僕射令孤楚鄭覃奉行制書今南省
官亦可署勅儀曰穀之所陳非承平之事不
足援據今皇弟開封尹平章事卽宰相之任
也太祖曰儀之言是也卽命太宗署勅賜之
破鑲檢舊章

韓丕能詩及入禁中不長應用一夕湏詔書
甚急韓停筆問吏索書舊章吏以本典局戶
出宿不可搜檢丕乃破鑲取之改易而進

一灰堆

張洎博士多聞在江南將命入貢及還作詩十篇多訾詆京師風物有一灰堆之句以悅其主蘓易簡得其親書本後洎與易簡同爲學士不協上前往往異同易簡云清河公若更相矛盾卽將灰堆之句進呈矣洎聞之甚懼稍屈伏焉

御筆戒酒

蘓易簡嗜酒御筆戒之云卿若覆杯朕有何慮易簡承詔斷酒已不復飲上亦不責及

參大政見上不復敘待但嚴顏色責吏事而已故易簡詩什之中多思禁林

門扉下竊出

寇準在中書多召兩制就第飲宴必閉關苛留之畏慎者甚懼李宗諤嘗於門扉下竊出得馬而走後爲脩宮使恩顧漸深一日召至玉宸殿賜酒宗諤堅辭以醉且云日暮上令中使附耳語云此中不須從門扉下出

靈鵲

院中有雙鵲栖於玉堂之後海棠樹學士會食必徘徊翔集或鳴噪必有大詔令感召之事因謂之靈鵲故晁翰林詩有却聞靈鵲心應喜并予詩云靈鵲先依玉樹栖蓋謂此也

弟拜相兄草麻

錢希白惟演從兄也惟演拜相希白當制世稱弟拜相兄草麻自古未有惟座主拜相門生草麻前代記之矣

狡兔三穴首鼠兩端

錢若水爲學士太宗禮遇甚厚嘗草錫趙保忠詔云不斬繼遷存狡兔之三穴潛疑光嗣持首鼠之兩端上曰此四句正道着我意又與趙保吉詔有旣除手足之親已失輔車之勢上批其後云極好

不可令周翰知

梁周翰少有文譽及入禁林年已七十景德中答宰相待罪表不稱旨上別令趙安仁撰

曰不可令周翰知恐其愧恨上聖德包容如此

習請假榜子

楊大年性剛頗忤上旨母在楊瞿有疾遂留請假榜子與孔目吏中夕奔去上怜其才終優容之止除少分司仍許只在楊瞿

東齋記事

朕有三條帶

錢俶進寶帶

太祖曰朕有三條帶與此不

同俶請宣示上笑曰汴河一條惠民河一條

五丈河一條俶大愧服

賞花釣魚

三館惟直舒預坐校理以下賦詩而退太宗時李宗諤爲校理作詩云戴了宮花賦了詩不容重見赭黃衣無聊却出宮門去還似當年下第歸上即令赴宴自是校理而下皆與會也

賦山水石歌

賞花釣魚賦詩往往宿製天聖中永興軍進
山水石因命賦山水石歌出於不意多荒惡
者中坐優人入戲各執紙筆若吟咏狀一人
忽仆於石上曰日來作賞花釣魚詩準備應
制却被這石頭擦倒明日降出詩令中書銓
定內鄙惡者與外任

夢召對

蔡子直識 英宗于藩邸後知州夢召對曰
只在此更無得去既寤乃靈駕發引之日因

大慟哭終而卒

武臣不持喪

故事武臣不持喪韓玉以奏請持喪下兩制
臺諫議唐子方爲諫官不欲令持喪曰今日
不可高論也永叔勃然曰父母死令持服安
得爲高論夢得歎曰俊人也率然一言亦中
於理兩制臺諫竟爲兩議而上遂詔崇班以
上持服供俸官以下不持服是則官高者得
爲父母服官卑者則不爲無官者將何以處

之

議藥不合

司馬君實與予莫逆之交也惟議藥爲不合
賦落韻

景德中李迪賈邊皆舉進士有名者試皆不
與迪以賦落韻邊以當仁不讓於師論以師
爲衆與注疏異乃奏乞 收王文正公爲相
曰迪雖犯不考然出於不意其過可恕邊特
立異說將令後生務爲穿鑿破壞科場漸不

可啓遂收迪而黜邊

富人納貴絹貧人食賤米

張尚書詠在蜀時米斗三十六文絹疋三百
文公計兵食外盡令輸米絹之餘者許貧民
買之貧民頗不樂今米斗三百絹疋三貫富
人納貴絹而貧人食賤米皆以當時價於官
無所損益而貧富兩利蜀人懷思不已

乖崖表德

張尚書守蜀人心大安及代去留一卷實封

與僧正云候十年觀次後十年薨于陳州計
至開所留文字乃公畫像衣冠褐繫縑草屨
自爲贊曰乖則違俗崖不利物乖崖之名聊
以表德遂畫像于府治及寺觀中
千林如有喜一氣自無私

薛簡肅舉進士時贊謁馮魏公首篇有囊書
空自負早晚達明君之句馮公曰不知秀才
所負何事讀至第三篇春詩曰千林如有喜
一氣自無私乃曰秀才所負者此

以制誥爲贊卷

丁文簡嘗言舉進士時以制誥爲贊卷復自
笑曰是不揆也後爲知制誥學士參政亦見
其所存有素矣初舉人必以文卷贊先進自
糊名後浸衰賈許公爲中丞奏罷公卷而士
子之禮都忘矣

狀元給騶從

祥符八年蔡文忠狀元及第上視其秀偉顧
宰相曰得人矣因詔金吾給騶從傳呼狀元

始此也

夢明窻下草制

孫夢得初名貫字道卿少舉進士夢登塔見持一大文卷云春榜間有孫貫否曰無惟第三人有孫林旣寤改名栢又至華陰詣金天王廟求夢夜夢明窻下草制明年果第三人及第後知制誥嘗云某初得此夢甚喜纔作翰林學士頗嫌之矣人心是無已也時夢得已爲參政俸祿差厚耳去學士亦不甚相遠

但清優不如學士而勞責過之

劉輝作狀元

有堂吏夢火山軍姓劉人作狀元明年狀元乃劉輝也

百日宰相

彭年深於術數一日報社祈公拜相彭年曰百日宰相後其言驗彭年名壽

蔡君謨蛇精

蔡君謨知福州以疾不視事累夕每夢登鼓

角樓而睡通判恠鼓角匠不打三更者因對
數夜大蛇盤據鼓上不敢近人遂以君謨爲
蛇精

司天奏侍臣有逝去者

祥符中司天楊浩奏侍臣當有逝去者翌日
楊文公以母疾不俟報歸陽翟初上欲立章
獻爲后公不草詔章獻旣立不安乃託母疾
而行

黃筌畫

黃筌黃居來居寶蜀之名畫手也尤善毛翎
多養鷹鵠觀其神俊以模寫之其後子孫有
棄畫業而事田獵者旣多養鷹鵠則買鼠以
飼之其後又有捕鼠爲業者人家置博奕之
具者子孫必爲博奕藏書者子孫無不讀書
置業豈可以不慎哉

寫生趙昌

蜀有孫知微善畫山水仙官星辰人物學懷
亦善山水毛翎趙昌善畫每晨朝露下遶

類言 卷之二十三 畫
欄諦玩手中調色自謂寫生趙昌人謂以手
捫摸不爲采色所阻乃真昌畫也其爲生菜
折枝果尤妙又王存者漢州卒也州將每令
昌畫遣有供應以是有畫遂亞於昌

十眉圖

天慈寺壁畫明皇按樂十眉圖地有瑞草謂
之錦地張乖崖嘗令刻平之封其門戶後
日開復生如故

鮑魚緣木

蜀有鮑魚善緣木有聲如啼兒孟子所謂緣
木求魚是亦未聞此也

二鵲擲卵

陵江上見二鵲擲卵相上下以接之蓋習其
飛也其胎教之意乎又翹羽未成躍出巢穴
往往墜崖下死其天性俊爽是亦躁進也

徵風

魚逆水而上鳥向風而立取其鱗羽之順也
有徵風知來觀鳥所向則可知矣

庭松詩

有式贄薛簡肅所業庭松詩云范前嫫母陋
雪裏屈原醒公大稱之

雙廟

王質知蔡州毀吳元濟廟立狄仁傑李愬廟

立朝以曾魯公為法以曾魯公為法王景彝

或立朝當以何人為法曰曾明仲然謹約為

近而嚴過之福壽弗逮也

好把長鞭便一揮

楊文公置酒招石中立資政絕句好把長鞭
便一揮石和曰尋常不召尤相造况是今朝
得指揮其談諧類此

一聲河滿子

元祐中有輕薄子以古人詩益成二十八字仲
昌故國三千里宗道深宮二十年殿院一聲
河滿子龍圖雙淚落君前龍圖王博文也一
日對上說敷歷之久不覺淚下殿院蕭定基
也與韓魏公諸公同發解舉人作河滿子嘲

之王宗道爲諸公講書二十年訴於上求進
用仲昌郇公從子論科場不公牒歸建州
費鐵嘴

故老能道蜀時事云天兵伐蜀蜀主大懼各
廷臣募所以拒天兵者費鐵嘴越班而出對
衆謂鐵嘴不獨有口才兼有膽勇諦聽之
乃云是臣則斷定不敢於是衆笑而退

文如錦綉屏風

夏英公言楊文公如錦綉屏風但無骨耳議

者謂英公文譬諸泉水迅急湍悍至於浩蕩
汪洋不如文公也

官家隣人

太祖殿前慮囚有囚曰念臣是官家隣人
太祖以爲燕薊隣人遣問之云臣住東華門
外太祖笑而宥之

作漢春秋硯

胡旦作大硯可數尺鑄其傍曰宋胡旦作漢
春秋硯命埋塚中

宣獻未嘗素談

宋宣獻公未嘗素談在河南聚廳慮囚公曰汝與何人素有何冤囚不能對坐上官更以俗語問之囚始能答宋元憲公近之和氣拂拂然襲人景文公則英采秀發三人者久視之無一點塵神仙中人也

不足則誇

歐永叔每誇政事不誇文章蔡君謨不誇書呂濟叔不誇棊何公南不誇飲酒司馬君實

不誇清絕大祇不足則誇也

薛出油

薛簡肅公尹京一切以嚴治人謂薛出油後知成都俗好遊公作何處春遊好詩十首自號薛春遊欲換前所稱謂也姜樞密遵魯肅簡公亦以嚴稱時日姜爲姜擦子魯爲魚頭公

水晶燈籠

劉隨待制爲成都通判嚴明通達人謂之水

晶燈籠

照天臘燭

由元均治成都有聲人有訴訟其懦弱不能自伸者必委曲問之蜀人目之照天臘燭又謂之不錯事尚書

放生

曾曾公放生以蜺蛤之類渺活物命之多也一日夢被甲者數百人前訴既寤乃有惠蛤蜊數罇者卽放之夜復夢被甲者來謝李景

初家市一巨鱉景初未知也夜夢皂衣姥來告乞命卽遣放鱉亦夢姥來謝

禁食蝦蟇

沈文通知杭州禁食蝦蟇終二年人不敢食蝦蟇亦不生及文通代去弛禁而復生如故此物理之不可致詰者也

預買納絹

太宗時馬元方爲三司判官建言方春民乏絕時豫給庫錢貸之至夏秋輸絹於官預買

細絹蓋始於此

體備中和之氣

仁宗暑月不揮扇以拂子毆蚊蠅而已冬月不御爐鑿者云體備中和之氣則然

疥有五德

世言疥有五德不上面仁也喜傳於人義也义手揩擦禮也生罅指節骨間智也癢必以時信也

鐵碇

鐵碇以鍛金銀雖百十年不壞以碇皂筴則一夕破碎鞭以箠馬則愈久愈潤且堅紉以擊猫則隨節折裂

荔枝熟

人未採則一日虫不敢近人採則虫烏蝠蝠之類無不殘傷者故採荔枝者日中而采之

保心如止水

張文孝公觀性沉靜未嘗行草書自咏詩云

保心如止水爲行見真書人以爲着題
灰牛白馬

契丹之先有一男子乘白馬一女駕灰牛相
遇遂爲夫婦生八男子前史所謂迭爲君長
者也契丹祀天至今用灰牛白馬

勸酒當以量

契丹有馮兒善者予接伴勸酒見善曰勸酒
當以其量若不以量如徃役而不用戶等高
下也以此知契丹徃役亦以戶等中國不量

戶等役人耶

契丹風俗

契丹使者蕭慶言達怛人不粒食家養牧牛
馬飲其乳亦不食其肉腹如筋雖中箭不死
又言契丹牛馬有熟時一如南朝養蠶也有
雪而露出草一寸許此時牛馬大熟若無雪
或雪沒草則不熟

改罪已詞

仁宗時書詔未嘗改易慶曆七年春旱楊億

甫草詔既進上以罪已之詞未至改云乃自去冬時雪不降今春太旱赤地千里天感朕勤以戒朕躬茲用屈已下賢歸誠上叩冀高穹之降監憫下民之無辜與其降疾於人不若移災於朕自今避殿減膳許中外實封言事

趙均平

成都十邑惟新繁稅平初定稅時有姓趙者相地肥瘠以為稅入輕重之數至今人謂之

趙均平

孝猿傳

吉州有捕猿者殺其母之皮并其子賣于蕭氏後旬日示以母皮跳躑號呼不食而卒蕭生為作孝猿傳

蜀茶

蜀中數處產茶雅州象頂最佳其生最晚在春夏之交其地即書所謂蔡蒙旅平者也方茶之生雲霧覆其上若有神物護持之

物理相感

世傳棘能辟霜蓬能辟沙物理相感也有蓬生處則不聚花果以棘圍之則茂

漢似胡兒胡似漢

狄青汾河人面有刺字不肯滅去為樞密使有以謠讖告予者曰漢似胡兒胡似漢改頭換面總一般只在汾河川子畔予曰此唐太宗殺李君羨事上安肯為之近世有以王德用貌類藝祖宅枕乾崗為言者疏

入不報卒亦無事其人語塞嗚呼前世如此被誅者甚眾哀矣

鐵林騎

西邊呼鐵鶴子為鐵林騎

類說卷之二十二 終

類記

卷之二十一

三



